



Broj: 09/2-2-16-8-26675-6/20
Sarajevo, 06.11.2020. godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za javne nabavke MIP-a BiH utvrđenog u zapisniku broj: JN1-16-8-26675/20 od 06.11.2020. godine, **d o n o s i m:**

ODLUKU **o izboru najpovoljnijeg ponuđača**

1. Ponuđač "**TeleNet**" **d.o.o. Sarajevo** sa ponudom broj 190/20 od 29.10.2020. godine, proglašava se najpovoljnijim u postupku javne nabavke izbora najpovoljnijeg dobavljača za nabavku mrežne opreme za potrebe MIP-a BiH, te se imenovanom ponuđaču dodjeljuje ugovor za nabavku navedene opreme za **LOT 2** (Firewall/sigurnosni gateway-5 kom., Centralna sigurnosna platforma-1 komplet).

2. Ova odluka će se objaviti se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

3. Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-2-int-2036-2/20 od 28.09.2020. godine, u kojoj je utvrđeno da procijenjena vrijednost javne nabavke za LOT-1 i LOT-2- bez PDV-a iznosi 119.000,00 KM, odnosno za LOT-1 iznosi 95.000,00 KM, a za LOT-2 iznosi 24.000,00 KM.

Obavještenje o nabavci br: 253-1-1-35-3-13/20, objavljeno je na Portalu javnih nabavki dana 06.10.2020. godine, a sažetak obavještenja o nabavci objavljen je u Službenom glasniku BiH broj: 65 od 16.10.2020. godine, na osnovu kojeg je proveden otvoreni postupak predmetne nabavke roba za potrebe Ministarstva inostranih poslova BiH.

Rok za dostavljanje ponuda bio je 29.10.2020. godine do 10:00 sati. Javno otvaranje ponuda je izvršeno 29. oktobra 2020. godine u 10:15 sati, što je konstatovano Zapisnikom sa otvaranja ponuda, u kome je navedeno da je Komisija konstatovala da su do isteka navedenog roka pristigle ponude sljedećih ponuđača:

RED. BR.	PONUĐAČ	DATUM PRIJEMA	VRIJEME PRIJEMA
1	TeleNet d.o.o. Sarajevo	29.10.2020.	09:10
2.	TEAM Consulting d.o.o Sarajevo	29.10.2020.	09:10
3.	Konzorcij "SYS Company" d.o.o. Sarajevo i BH Telecom d.d. Sarajevo	29.10.2020.	09:11

Zaključno sa rednim brojem 3.

Analizom dokumentacije pristiglih ponuda, Komisija je utvrdila da ponuda ponuđača "TEAM Consulting" d.o.o Sarajevo ne ispunjava formalnopravne i tehničke zahtjeve navedene u tenderskoj dokumentaciji Ministarstva inostranih poslova BiH, te da nije prihvatljiva i ne može biti predmet vrednovanja, obzirom da navedeni ponuđač nije dostavio ponudu u zapečaćenoj koverti, kako je predviđeno tačkom 5.2. tenderske dokumentacije.

Analizom dokumentacije drugih pristiglih ponuda, te suštinskom provjerom sadržaja i validnosti dokumentacije, Komisija je utvrdila da je ponuda ponuđača Konzorcija „SYS Company“ d.o.o. Sarajevo i „BH Telecom“ d.d. Sarajevo za LOT-1 prihvatljiva (Firewall – 2 kom., Wireless Access point - 10 kom., Access PoE Switch - 1 kom.), kao i da je ponuda ponuđača "TeleNet" d.o.o. Sarajevo za LOT 2 (Firewall/sigurnosni gateway - 5 kom., Centralna sigurnosna platforma - 1 komplet) prihvatljiva, odnosno da obe ponude ispunjavaju formalnopravne i tehničke zahtjeve Ministarstva inostranih poslova BiH, te da kao takve mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Tenderskom dokumentacijom, kao i navedenom Odlukom o pokretanju postupka, za ovaj predmet nabavke bilo je predviđeno provođenje E-aukcije, međutim kako su pristigle samo po jedna formalnopravno prihvatljiva ponuda, jedna ponuda za LOT-1 i jedna ponuda za LOT-2, E-aukcija nije provedena, što je u skladu sa članom 3. stav 3) Pravilnika o uslovima i načinu korištenja E-aukcije ("Službeni glasnik BiH", br. 66/16).

Polazeći od činjenice da prihvatljive ponude u formalnopravnom, ekonomskom i tehničkom smislu ispunjavaju zahtjeve Ministarstva inostranih poslova BiH, Komisija je pristupila vrednovanju prihvatljivih ponuda, te shodno utvrđenom kriteriju "najniža cijena", konstatovala tabelarni pregled - rang listu prihvatljivih ponuda ponuđača po LOT-ovima, kako slijedi:

LOT 1:

Redni br.	Naziv ponuđača	Ukupna cijena ponude sa PDV-om
1.	Konzorcij SYS Company d.o.o. Sarajevo i BH Telecom d.d. Sarajevo	110.974,50

LOT 2:

Redni br.	Naziv ponuđača	Ukupna cijena ponude sa PDV-om
1.	TeleNet d.o.o Sarajevo	27.986,40

Obzirom na navedeno, Komisija za javne nabavke MIP-a BiH je u svom Zapisniku o pregledu i ocjeni ponuda za izbor najpovoljnijeg dobavljača za nabavku mrežne opreme za potrebe Ministarstva inostranih poslova BiH broj: JN1-16-8-26675/20 od 06.11.2020. godine, dala preporuku ministru inostranih poslova BiH da donese Odluku o izboru najpovoljnijeg ponuđača, za LOT 2 (Firewall/sigurnosni gateway - 5 kom., Centralna sigurnosna platforma - 1 komplet) ponuđaču:

"TeleNet" d.o.o. Sarajevo, čija cijena ponude iznosi 23.920,00 KM bez PDV-a, odnosno sa ukupnom cijenom ponude sa PDV-om u iznosu od 27.986, 40 KM, obzirom da ista u ekonomskom i tehničkom smislu u potpunosti zadovoljava zahtjeve MIP-a BiH (ugovornog organa).

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima MIP-a BiH i predmetnom tenderskom dokumentacijom. Na osnovu svega navedenog, primjenom člana 64. stav 1. tačka b) Zakona o javnim nabavkama, (najniža cijena), odlučeno je kao u tački 1. ove odluke.

PRAVNA POUKA: Protiv ove odluke može se izjaviti žalba Kancelariji za razmatranje žalbi BiH u roku od najkasnije 10 (deset) dana od dana prijema iste. Žalba se podnosi putem ugovornog organa direktno na pisarnici MIP-a BiH ili se šalje preporučenom poštanskom pošiljkom, u dovoljnom broju primjeraka koji ne može biti manji od tri.

MINISTAR

Biserica Turković
dr Bisera Turković



DOSTAVITI:

1. Svim učesnicima u postupku javne nabavke;
2. Evidenciji a/a.